

A decorative graphic consisting of several overlapping diamonds in various shades of blue and white, arranged in a diagonal line from the upper right towards the center. A faint, light blue spiral pattern is visible in the background, centered around the middle of the page.

BAB 16

PROFIL GRADUAN
IJAZAH PERTAMA (WARGANEGARA)
2008 YANG BELUM BEKERJA

BAB 16


PROFIL GRADUAN IJAZAH PERTAMA (WARGANEGARA) 2008 YANG BELUM BEKERJA

16.0 Pendahuluan

Bahagian ini memaparkan maklumat berkaitan graduan Ijazah Pertama (warganegara) yang belum bekerja semasa kajian dijalankan. Antara aspek yang dianalisis adalah sebab mengapa mereka belum bekerja, profil dari segi jantina, bidang pengajian utama, pencapaian akademik dan pendapatan keluarga. Selain itu, turut dianalisis ialah kemahiran yang ingin diikuti, kekerapan menghadiri temu duga dan sektor pekerjaan pilihan mengikut keutamaan. Analisis dalam bab ini melibatkan seramai 17,512 responden Ijazah Pertama (warganegara) yang belum bekerja.

16.1 Sebab Mengapa Graduan Ijazah Pertama (Warganegara) 2008 Belum Bekerja


Sebanyak 81.3 peratus graduan yang belum bekerja menyatakan mereka sedang mencari pekerjaan, 5.7 peratus menunggu penempatan untuk melanjutkan pengajian, 3.5 peratus ingin berehat, 3.3 peratus menyatakan kerja yang ditawarkan tidak sesuai dan 2.1 peratus kerana mempunyai tanggungjawab terhadap keluarga. Terdapat juga sebahagian kecil, kurang daripada 1 peratus graduan yang memilih untuk tidak bekerja, tidak berminat untuk bekerja atau kurang keyakinan diri untuk memasuki dunia pekerjaan. Bagi IPTA, 82.5 peratus dalam kalangan graduan yang belum bekerja menyatakan mereka sedang mencari pekerjaan dan sebanyak 70.3 peratus bagi graduan IPTS memberikan sebab yang sama (Jadual 16.1 dan Rajah 16.1).



Rajah 16.1: Sebab Mengapa Graduan Ijazah Pertama (Warganegara) Belum Bekerja, 2008.

16.2 Graduan Ijazah Pertama (Warganegara) 2008 yang Belum Bekerja Mengikut Bidang Pengajian Utama


Secara keseluruhan, graduan dalam bidang Sastera & Sains Sosial menunjukkan peratus tertinggi (53.0%) bagi kategori yang belum bekerja. Ini diikuti graduan dalam bidang Sains (20.5%) dan Teknikal (17.8%). Diperhatikan peratus graduan perempuan yang belum bekerja dalam bidang Sastera & Sains Sosial adalah jauh lebih tinggi daripada lelaki. Bagaimanapun, bagi bidang Teknikal, peratus graduan lelaki yang belum bekerja melebihi perempuan. Bagi IPTA dan juga IPTS, bidang Pendidikan menunjukkan peratus terendah dalam kategori belum bekerja (Jadual 16.2 dan Rajah 16.2).



Rajah 16.2: Graduan Ijazah Pertama (Warganegara) yang Belum Bekerja Mengikut Bidang Pengajian Utama dan IPT, 2008.

16.3 Graduan Ijazah Pertama (Warganegara) 2008 yang Belum Bekerja Mengikut Pencapaian Akademik

Jadual 16.3 dan Rajah 16.3 memaparkan taburan pencapaian akademik dalam kalangan graduan yang belum bekerja. Didapati peratus graduan perempuan yang belum bekerja melebihi lelaki bagi setiap selang PNGK, melainkan bagi selang PNGK 2.00 – 2.49.



Rajah 16.3: Graduan Ijazah Pertama (Warganegara) yang Belum Bekerja Mengikut Pencapaian Akademik dan IPT, 2008.

16.4 Graduan Ijazah Pertama (Warganegara) 2008 yang Belum Bekerja Mengikut Pendapatan Bulanan Keluarga

Jadual 16.4 menunjukkan 61.4 peratus graduan yang belum bekerja terdiri daripada mereka yang mempunyai pendapatan bulanan keluarga RM1500 ke bawah. Perbandingan pendapatan bulanan keluarga antara graduan IPTA dengan IPTS pula menunjukkan graduan IPTA yang mempunyai pendapatan keluarga kurang daripada RM1500 adalah jauh lebih tinggi (64.4%) daripada graduan IPTS, yang hanya 40.5 peratus berada dalam kumpulan ini.

16.5 Program Latihan Tambahan untuk Graduan Ijazah Pertama (Warganegara) 2008 yang Belum Bekerja bagi Meningkatkan Peluang Pekerjaan

Graduan yang berada dalam kategori belum bekerja turut diminta mengenal pasti kursus tambahan yang mereka ingin ikuti bagi membantu mendapatkan pekerjaan. Kemahiran Bahasa Inggeris (73.0%) merupakan pilihan utama, diikuti Kemahiran Interpersonal (58.9%) dan Pembangunan Kerjaya (56.5%).

Peratus graduan IPTA menyatakan mereka ingin mengikuti kursus Kemahiran Bahasa Inggeris ialah 73.7 peratus berbanding 66.8 peratus bagi graduan IPTS. Sebagai pilihan kedua, 58.2 peratus graduan IPTA ingin mengikuti kursus Kemahiran Interpersonal dan 56 peratus ingin mengikuti kursus Pembangunan Kerjaya. Bagi graduan IPTS pula, 66.8 peratus memilih kursus Kemahiran Interpersonal, melebihi sedikit daripada yang ingin mengikuti kursus Kemahiran Bahasa Inggeris (Jadual 16.5).

16.6 Kekerapan Graduan Ijazah Pertama (Warganegara) 2008 yang Belum Bekerja Menghadiri Temu Duga

Sebahagian besar, iaitu 64.5 peratus graduan yang belum bekerja memaklumkan bahawa mereka pernah menghadiri temu duga pekerjaan antara 1 – 5 kali. Manakala 29.8 peratus menyatakan mereka tidak pernah menghadiri temu duga pekerjaan. Bagi graduan IPTA, 64.1 peratus pernah menghadiri temu duga antara 1 – 5 kali dan 68.4 peratus bagi graduan IPTS. Dari sudut gender tiada perbezaan yang ketara dilihat antara graduan lelaki dengan perempuan dalam kekerapan menghadiri temu duga (Jadual 16.6).

16.7 Sektor Pekerjaan Pilihan Mengikut Keutamaan bagi Graduan Ijazah Pertama (Warganegara) 2008 yang Belum Bekerja

Majoriti (55.3%) graduan yang sedang mencari pekerjaan memaklumkan sektor kerajaan menjadi pilihan utama mereka dan 15.5 peratus graduan menyatakan bekerja sendiri/keusahawanan sebagai pilihan utama. Bagi pilihan kedua, majoriti (36.1%) memilih sektor badan berkanun dan bagi pilihan ketiga, 29.8 peratus memilih sektor swasta tempatan (Jadual 16.7).

BAB 16:
PROFIL GRADUAN IJAZAH PERTAMA
(WARGANEGARA)
YANG BELUM BEKERJA
2008

**J
A
D
U
A
L**

Jadual 16.1: Sebab Mengapa Graduan Ijazah Pertama (Warganegara) Belum Bekerja Mengikut IPT dan Jantina, 2008.

Sebab Mengapa Belum Bekerja	IPTA (n=15820)				IPTS (n=1692)				Keseluruhan (n=17512)			
	L (n=4892)	P (n=10928)	Jumlah (%)		L (n=656)	P (n=1036)	Jumlah (%)		L (n=5548)	P (n=11964)	Jumlah (%)	
Sedang mencari pekerjaan	81.1	83.2	82.5		70.3	70.3	70.3		79.8	82.0	81.3	
Menunggu penempatan melanjutkan pengajian	5.4	5.9	5.8		3.2	5.8	4.8		5.2	5.9	5.7	
Ingin berehat	3.6	2.6	2.9		9.9	8.7	9.2		4.3	3.2	3.5	
Kerja yang ditawarkan tidak sesuai	3.1	2.6	2.7		9.1	8.4	8.7		3.8	3.1	3.3	
Tanggungjawab terhadap keluarga	2.1	2.1	2.1		1.2	1.9	1.7		2.0	2.1	2.1	
Kurang keyakinan diri untuk memasuki dunia pekerjaan	0.7	0.6	0.7		0.2	0.5	0.4		0.6	0.6	0.6	
Masalah kesihatan	0.3	0.5	0.4		0.3	0.3	0.3		0.3	0.5	0.4	
Memilih untuk tidak bekerja	0.4	0.2	0.3		1.1	0.2	0.5		0.5	0.2	0.3	
Tidak berminat untuk bekerja	0.2	0.1	0.1		1.4	0.9	1.1		0.4	0.2	0.2	
Lain-lain	3.2	2.2	2.5		3.4	3.1	3.2		3.2	2.2	2.6	
Jumlah	100	100	100		100	100	100		100	100	100	

Jadual 16.2: Graduan Ijazah Pertama (Warganegara) yang Belum Bekerja Mengikut IPT, Bidang Pengajian Utama dan Jantina, 2008.

Bidang Pengajian Utama	IPTA (n=15820)				IPTS (n=1692)				Keseluruhan (n=17512)			
	L (n=4892)	P (n=10928)	Jumlah (%)		L (n=656)	P (n=1036)	Jumlah (%)		L (n=5548)	P (n=11964)	Jumlah (%)	
Sastera & Sains Sosial	39.9	57.9	52.3		50.0	65.1	59.2		41.1	58.5	53.0	
Sains	20.1	22.4	21.6		10.2	10.8	10.6		18.9	21.4	20.5	
Teknikal	32.4	11.7	18.2		24.4	8.2	14.5		31.4	11.4	17.8	
Teknologi Maklumat & Komunikasi	6.2	6.2	6.2		14.5	9.9	11.7		7.2	6.5	6.7	
Pendidikan	1.4	1.8	1.7		0.9	6.0	4.0		1.4	2.2	1.9	
Jumlah	100	100	100		100	100	100		100	100	100	

Jadual 16.3: Taburan Graduan Ijazah Pertama (Warganegara) yang Belum Bekerja Mengikut Pencapaian Akademik, 2008.

CGPA	IPTA				IPTS				Keseluruhan			
	Jumlah	L	P		Jumlah	L	P		Jumlah	L	P	
Lulus	7	28.6	71.4		94	46.8	53.2		101	45.5	54.5	
2.00-2.49	1027	54.6	45.4		297	51.9	48.1		1324	54.0	46.0	
2.50-2.99	6670	35.9	64.1		714	40.2	59.8		7384	36.3	63.7	
3.00-3.49	6918	24.6	75.4		473	30.4	69.6		7391	25.0	75.0	
3.50-3.69	906	18.9	81.1		75	24.0	76.0		981	19.3	80.7	
3.70-4.00	292	21.6	78.4		39	23.1	76.9		331	21.8	78.2	
Jumlah	15820	30.9	69.1		1692	38.8	61.2		17512	31.7	68.3	

Jadual 16.4: Graduan Ijazah Pertama (Warganegara) yang Belum Bekerja Mengikut IPT, Pendapatan Bulanan Keluarga dan Jantina, 2008.

Pendapatan Bulanan Keluarga	IPTA (n=15820)			IPTS (n=1692)			Keseluruhan (n=17512)		
	L (n=4892)	P (n=10928)	Jumlah (%)	L (n=656)	P (n=1036)	Jumlah (%)	L (n=5548)	P (n=11964)	Jumlah (%)
RM500 ke bawah	13.9	16.2	15.5	4.0	4.4	4.3	12.7	15.2	14.4
RM501 – RM1000	26.6	31.1	29.7	11.4	13.2	12.5	24.8	29.5	28.1
RM1001 – RM1500	20.0	18.8	19.2	13.6	18.7	16.7	19.3	18.8	18.9
RM1501 – RM2000	13.5	11.0	11.8	22.4	19.2	20.4	14.6	11.7	12.6
RM2001 – RM2500	8.2	7.1	7.4	12.7	12.4	12.5	8.8	7.5	7.9
RM2501 – RM3000	6.9	6.0	6.3	14.3	11.5	12.6	7.8	6.5	6.9
RM3001 – RM5000	6.5	6.2	6.3	12.5	11.3	11.8	7.2	6.7	6.8
RM5001 dan ke atas	4.2	3.7	3.8	9.1	9.3	9.2	4.8	4.1	4.3
Jumlah	100	100	100	100	100	100	100	100	100

Nota : Seorang graduan IPTA tiada maklumat pendapatan bulanan keluarga.

Jadual 16.5: Program Latihan Tambahan Pilihan Graduan Ijazah Pertama (Warganegara) yang Belum Bekerja Mengikut IPT, 2008.

Program Latihan Tambahan	IPTA		IPTS		Keseluruhan	
	Bil.	%	Bil.	%	Bil.	%
Kemahiran Interpersonal	7902	58.2	801	66.8	8703	58.9
Kemahiran Bahasa Inggeris	10007	73.7	783	65.3	10790	73.0
Kemahiran ICT	7546	55.6	584	48.7	8130	55.0
Latihan Keusahawanan	7276	53.6	638	53.2	7914	53.6
Pembangunan Kerjaya	7594	56.0	752	62.7	8346	56.5

Nota: Merujuk kepada graduan yang memerlukan latihan tambahan dalam kalangan graduan yang belum bekerja.

Jadual 16.6: Kekerapan Graduan Ijazah Pertama (Warganegara) yang Belum Bekerja Menghadiri Temu Duga Mengikut IPT dan Jantina, 2008.

Kekerapan Hadiri Temu Duga	IPTA (n=15820)				IPTS (n=1692)				Keseluruhan (n=17512)			
	L (n=4863)	P (n=10892)	Jumlah (%)		L (n=640)	P (n=1025)	Jumlah (%)		L (n=5503)	P (n=11917)	Jumlah (%)	
1 - 5 kali	64.3	63.9	64.1		66.4	69.7	68.4		64.6	64.4	64.5	
6 - 10 kali	5.5	4.0	4.5		10.8	6.2	8.0		6.1	4.2	4.8	
11 - 15 kali	0.8	0.3	0.4		2.0	0.3	1.0		0.9	0.3	0.5	
16 - 20 kali	0.3	0.2	0.2		0.8	0.1	0.4		0.3	0.2	0.2	
21 kali dan ke atas	0.3	0.1	0.1		0.9	-	0.4		0.4	0.1	0.2	
Tidak pernah	28.8	31.5	30.7		19.1	23.7	21.9		27.6	30.8	29.8	
Jumlah	100	100	100		100	100	100		100	100	100	

Nota: Graduan yang menyatakan sebab memilih untuk tidak bekerja dan tidak berminat untuk bekerja tidak perlu menjawab soalan ini.

Jadual 16.7: Sektor Pekerjaan Pilihan Mengikut Keutamaan bagi Graduan Ijazah Pertama (Warganegara) yang Belum Bekerja, 2008.

Sektor Pekerjaan	Pilihan Mengikut Keutamaan					Jumlah Responden
	1	2	3	4	5	
Kerajaan	55.3	10.5	7.8	7.6	18.9	17420
Badan Berkanun	5.6	36.1	20.6	25.6	12.1	17420
Swasta Multinasional/Asing	15.4	13.6	24.6	21.0	25.4	17420
Swasta Tempatan	8.1	28.1	29.8	27.3	6.5	17420
Bekerja Sendiri/ Keusahawanan	15.5	11.7	17.2	18.5	37.1	17420

ISSN 2180 - 1800

ISBN 978-963-3663-40-8



9 789833 663408

BAHAGIAN PERANCANGAN DAN PENYELIDIKAN
Kementerian Pengajian Tinggi Malaysia
Aras 3, Blok E3, Kompleks E
Pusat Pentadbiran Kerajaan Persekutuan
62505 Putrajaya

www.mohe.gov.my